



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 4. Intentio optima, ut placeas Deo.

[urn:nbn:de:hbz:466:1-79340](https://nbn-resolving.org/urn:nbn:de:hbz:466:1-79340)

stibus plena rationibus, & consilijs: & ad eum tendunt finem, ut nos ad celestia evehant.

Plena hiacinthis. quia semper ad celestia tendebant, in Patris gloriam operabantur; & corda hominum ad inquirendum regnum celorum excitabant. de Ponte hic Exh. 24. §. 1.

Quem mittam? & quis tibi nobis? If. 6. 8. q. d. quis ita vadat affectus in Dominum, ut omnino Domino (nobis) vadat, non sibi; non proprijs commodis curam impendat. Esco-bar t. 1. mir. Chr. Obf. 4.

Incipiens à novissimis. Matth. 20. 8. Bonus ille paterfamilias idem stipendium dedit ultimis operarijs, quod primis; imò ultimi praelati sunt. S. Greg. Niss. quia primi facta conventionione venerunt; ultimi verò, nullà acceptà mercede, laborem susceperunt. Primi ob mercedem, secundi ob amorem; & ideo tale discrimen inter illos. Sylveira in Luc. 1. quæst. 24.

§. III.

De Intentione pura sententiæ Biblicæ.

Ex Veteri.

In custodiendis illis retributio multa. Pl. 18. 12. S. Bernardinus f. de obed. Evang. non dixit pro custodiendis.

Dico ego opera mea Regi. Anima mea illi vivet. Pl. 44. 2. Pl. 21. 31.

Anima mea illi vivet. Pl. 21. 31. Per rectam intentionem vivimus Deo. Drexelius de Int. l. 1. c. 1.

Quemadmodum desiderat servus. Pl. 41. 2. Aqua sunt dona Dei, fons aquarum Auctor est donorum. Qui dona Dei propter Deum non amant, hi quasi aquas, & non fontem, desiderant. Hugo à S. Vict. hic.

Confitemini Domino quoniam bonus. Pl. 117. 1. Est, qui confitetur Domino, quia potens est; & est, qui confitetur, quia sibi bonus est; at alius, quia simpliciter bonus est. Primus servus est, & timer sibi: secundus mercenarius, & cupit sibi: tertius filius, & defert patri. Sanct. Bernardus tr. de dilig. Deo prope finem.

Recti diligunt te. Cant. 1. 3. Particula illa ideo v. 2. nonnullam videtur involvere imperfectionem amoris propter Suavitatem, & dulcedinem uberum, & unguentorum. Paulò post tamen ait: *recti & c.* indicans perfectionem dilectionis gradum ex parte intentionis puræ, quâ diligendus est Deus. de Pontehic Exh. 32. §. 3.

Hic scribet manu suâ Domino. If. 44. 5. id est, sicut servi inuri sibi patiuntur aliquò signò, vel literâ, quæ personam dominorum suorum repræsentet: & milites etiam olim in manu sua stigma militiæ suæ ferebant: ita qui Christi mancipatur servitio, & militiæ; in sua manu scribet, & inuret hoc signum: *Domino.* id est: quidquid sum, sapio, loquor, & ago; solum est dicatum Domino; ad cultum, & gloriam ejus. de Pont. hic Exh. 27. §. 3.

Ex Novo.

Nemini dixeritis visionem. Matth. 17. 9. Celat gloriam, non amorem: & magis amore, quàm spe gloriæ, vult nos ad se trahere. Sylveira hic.

Euge serve bone, & fidelis. Matth. 25. 21. Quando quæris aliquid præter Deum, quod non quæris propter Deum; non es fidelis Deo. S. Bonav. f. 2. de ingressu ad sapientiam. Hic ostenditur examen, quod fit in iudicio, quod est de duobus, scilicet, operibus bonis. Ideo dicit: *euge serve bone.* Sed modicum esset, facere opera bona, nisi fierent intentione rectâ; ideo dicit, *fidelis.* Regalia, quæ sibi Deus retinuit de bonis operibus, sunt; quòd fiant amore sui, & ad utilitatem tuam; tecum dividit per medium. Caveas ergo tu, nè ipsum defraudes; nè opera bona facias amore alterius, scilicet vanæ gloriæ, vel laudis; sed solum amore sui; ut laudetur, & ametur: talis est fidelis. S. Vincent. Ferr.

Quid quæritis? Joan. 1. 38. Advertit S. Thomas, quòd hoc est primum verbum, quod Christus in isto Evangelio loquitur. Et congruè ait: quia primum, quod quærit Deus ab homine, est recta intentio. Sylveira hic. q. 3.

Ex Patribus, & alijs.

Nè putemus, nos præmiò carituros, si pro præmio non laboremus: imò ob hoc ipsum præmium erit majus. S. Chrysost. hom. 5. in ep. ad Rom. apud Drexelium de recta intent. l. 1. cap. 7.

Magna res amor; sed sunt in eo gradus. Sponsa in summo stat. Amant enim & filij; sed de hæreditate cogitant. Suspectus est mihi amor, cui aliud quid adipisci spes suffragari videtur. Purus amor mercenarius non est. S. Bernardus l. 83. in Cant.

Vides miser homo; quia totum est vanitas, totum stultitia, quidquid facis in hoc Mundo; præter id solum, quod in Deum, & propter Deum, & ad honorem Dei, facis. S. Bernardus f. de hum. miseria.

Antequam inchoes opus, quod aggredi vis; conjice, vel erige, primum interiorem aspectum in Deum: & ubi senseris te ideo illud velle agere, quia Deus vult, & gratum habet; tunc demum opus incipe. Blosius Sacello animæ §. 3.

§. IV.

Intentio optima, ut placeas Deo.

Fuit autem Dominus cum Joseph. Gen. 39. 21. Joseph unum habebat propositum, placere Deo. Hoc nullâ varietate temporis immutatum est; nec fratrum invidia, nec conditione servitutis, nec ætatis illecebris, nec dominæ repromissis, nec squalore carceris, nec postea timore Ægyptiæ potestatis: sed semper unus fuit; & veritatem, ut diximus, temporum sibi redimens, malos dies vertit in bonos. S. Hier. c. 5. in ep. ad Ephes.

Bbb bb g Domi-

Domine, in lumine vultus tui ambulabunt, & in nomine tuo exultabunt tota die. Pl. 88. 16. 17. Alius ambulat in lumine vultus sui; sollicitus facere suam voluntatem, & beneplacitum cordis sui considerans: alius ambulat in lumine vultus humani; in eo semper intentus, quid hominibus placeat, quid Mundus judicet. Sanct. Bernardus f. de volunt. nostra cum Dei.

Ego dilectio meo, & Dilectus meus mihi. Cant. 6. 2. Ac si ipsa sola, & ille, in Mundo essent. Merito columba appellatur anima, quæ omnibus renuntiat, ut Christum quærat; quæ ita soli Deo placere studet, ac si cum illo solo sola in Mundo esset. de Ponte hic Exh. 3. §. 3.

Ex Patribus, & aliis.

Diligenti Deum sufficit, ei placere, quem diligit: quia nulla major est repetenda remuneratio, quam ipsa dilectio. S. Leo f. 7. de jejuniis septimi mensis.

Ad hoc creatus es, ut Conditori tuo placeas, ut Domino tuo servias; & tu de mercedibus cogitas? -- Verè ignoras, quantum bonum sit placere Deo. Si enim scires; nunquam aliquid aliud extrinsecus mercedis, aut muneris, expeteres. Nescis, quia major augetur tibi merces; quando non spe mercedis operaris, sed studio placendi? Sanct. Chrysostomus de Comp. cord. l. 2.

Deum, ut patrem, verere; bonorum operum studio incumbere: quia bonum est Patri mori gerere; etiam si ex ea re nihil quæstus ad te rediturum sit: hoc ipsum merces est, Patri placere, atque infervere. S. Greg. Naz. Orat. in S. Baptisma.


Primus contemplationis gradus iste est, ut incessanter consideremus, quid velit Dominus? quid placeat ei? quid acceptum sit coram ipso? Sanctus Bernardus f. 5. de verb. II.

Unum est, quod mens cujusque Fidelis debet assidue, solerter attendere, & intra semetipsam sollicita semper inquisitione versare: scilicet utrum placeat Deo, quod egit? an & in ejus vita Deus, vel operibus, delectetur? Quid enim prodest, quidquid faciat homo; si hoc non placeat Deo. B. Petrus Dam. 5. ep. 3.

Nulla major dignitas Creaturæ, quam suo placere Creatori. S. Thom. Vill. conc. 3. de S. Joan. Bapt.

Quod potest esse gaudium adæquans lætitiā, quæ capitur; eo quod tibi placeatur! Sanct. Francisc. Salef. l. 9.

cap. 11.



§. V.

Intentio judicat omnes: Ex bona, vel mala; bonum, aut malum opus.

Ex Veteri, & Novo.

Vide num. 16. 2. 17. 18. thurificantes 250. proceres. Dixisses totidem esse Sacerdotes. Sed intentio erat, ut Moysen & Aaron in odium populi traherent. Drexel, de Int. lib. 1, cap. 8.

Judith cap. 10. 3. comitur; non ut lascivæ serviat, sed ut lascivum obrunet. Quid dixisses de hac vidua, cum oblecta ex urbe ad conopæum hostis egreditur ornata, thesaurum, & opes, domo efferens? Luce 10. 41. Quæstia est, quam Helenam putabas: non est Dalila; Rachel est. Oliva fer. 4. Dom. 4. Quadrag.

Si offeraris cæcum ad immolandum, nonne malum est? Malach. 1. 8. Remigius, & Sanct. Hieronym. victima Dei, est bonum aliquod, ut oratio, elemosyna &c. Verum cæca est victima; si animus offerentis non est illustratus luce veritatis; vel si non est intentio simplex ejus, qui offert. Cornelius hic.

Vulpes foveas habeat. Math. 8. 20. Ex hac responsione elicitur; quod scriba perversâ intentione dixit, *sequar te*: volebat utique conversando cum CHRISTO congregare sibi divitias. Quoniam enim literatus fuit; cogitavit multis infirmis à CHRISTO sanitatem acquirere: sicque volebat pecuniam multam à sanatis colligere. Dionysius Carthus. hic.

Tu es CHRISTUS Filius DEI vivi. Math. 16. 16. & statim audit: *beatus es Simon - Bariona.* v. 17. Math. 8. 29. videntes CHRISTUM dæmones clamaverunt: *JESU Fili DEI*; spernitur tamen eorum confessio. Sanct. Augustinus hom. 17. ex. 50. O Domine! hoc tibi dixerunt & dæmones, quare illi non sunt beati? quare? quia dæmones hoc dixerunt timore; Petrus amore.

Phariseus, & Publicanus. Luc. 18. 10. Cur Phariseus, referens suas laudes, damatur; cum tamen Ezechias, Job, & Zachæus, in suis commendationibus, approbentur? Intentio judicat omnes. Ezechias ait 4. Reg. 20. 3. *obsecro, Domine, memento quasi &c.* Samuel laudes suas 1. Reg. 2. 26. *puer autem Samuel profitebatur*, ad utilitatem proximorum, & ad gloriam DEI, referebat. Job de se cap. 29. 15. *oculus sui cæco &c.* ut famam suam defenderet: nam ei amici objiciebant, malorum causam peccatum. cap. 4. 5. 7. *nunc venit super te plaga &c.* Sylveira hic. q. 3.

Ex